

SCRIPT OF MORNING GOJRI NEWS BULLETIN 11JULY 1015 HRS

مارننگ گو جری نیوز بلیٹن مورخہ 11 جولائی 2025

یوہ آکا شوانی جموں ہے باغ علی طاہرتیں خبر سُنو۔

LG EXHIBITION

لیفٹیننٹ گورنر منوج سنہا غ وکھنہو ہے جے جموں کشمیر اپنی تاریخ غ اسنہری دور نانہہ رقم کر رہی ہے کیونجے ہن محروم طبقات کساناں خواتین تے نوجواناں نانہہ اپنی آساں امیدیں نانہہ پوراں کرن غا بروہر موقعہ مہیا کران نانہہ یقینی بنایو جارہیو ہے ایل جی موصوف نے ان خیالات غو اظہار کل سرینگر مانہہ بھارت سن رچنا جی اینڈ گے 2025 غی نمائش تے عوامی رسائی غا پروگرام غا افتتاح غے دوران کہیو اس موقعہ ور بولتا واں اُن گو کہنہو تھو جے جے کدیں ہم نوی نسل نانہہ قوم غی ترقی غا سفر مانہہ ایک پرو کردار نبھان غ و موقعہ میسر کران تاں آئندہ 22 برا جموں کشمیر مانہہ امرت کال غا سنہری سال ثابت ہو سکیں۔

CM WB

وزیر اعلیٰ عمر عبداللہ نے کول کتہ غا اپنا دورہ غے دوران مغربی بنگال غی وزیر اعلیٰ ممتا بنرجی سنگ ملاقات کی ہے اس ملاقات غے دوران دواں لیڈراں نے آپسی مفاد غا معاملہ تے دوطرفہ بین ریاستی تعاون گا موقعہ تلاش کیا جان بارے غور کیو کول کتہ مانہہ سفری تے سیاحتی میلہ سال 2025 غا حاجیہ ور وزیر اعلیٰ نے اخباری نمائینداں سنگ گل کرتا واں جموں کشمیر غی سیاحتی صلاحیت تے اس علاقہ نانہہ ہر موسم مانہہ سفر غے قابل بنا غے سیلانیاں واسطے پُر کشش بنایا جان غا سلسلہ مانہہ حکومتی کوششاں ور لوہ پائی۔

J&K ARMS SEIZURE

ضلع پونچھ مانہہ فوج غی رومیو فورس تے جموں کشمیر پولیس غی ایس او جی غی طرفوں کی گئی اک سانجی کارروائی مانہہ دہشتگرداں غی اک کمین گاہ نانہہ تباہ کیو گی و بے اک خاص سو ملن غے بعد کھینتر ٹاپ علاقہ مانہہ کیرہ بندی غے بعد تلاشی کارروائی شروع کی گئی جس غے دوران کمین گاہ تیں 2 پستول اُس غی 2 میگزین تے 24 رائونڈ 6 ہتھ گولا اک یو بی جی ایل 2 آئی ای ڈی 1 الیکٹرانک ڈیٹونیشن سٹ تے بڑی متی مقدار مانہہ تمامہ خرمواد تے گولی سکو برآمد کیو گیو ہے علاقہ مانہہ اس کارروائی نانہہ دہشت گرداں گا ٹانچہ غے خلاف اک بڑی کامیابی قرار دتو گیو ہے۔

AMARNATH YATRA

وادی کشمیر وقفہ وقفہ تیں بارش غے باوجود امرناتھ یاترہ پوری عقیدت تے جو شوجز بہ سنگ جاری ہے ہن توڑی 1 لکھ 45 ہزار تیں متا یاتری امرناتھ گفہ غ ادرشن کرچکا ہیں جن مانہہ یاترہ شروع ہون غے اٹھویں روز درشن کرن آلا 17 ہزار 22 یاتری شامل ہیں۔ اسے دوران 6482 یاتری اج سخت حفاظتی بندوبست مانہہ جموں گا بنیادی کیمپ بھگوتی نگر تیں وادیکشمیر در روانہ ہوا یہ یاتری 268 گڈیاں مانہہ سوار ہو غے بھگوتی نگر تیں روانہ ہوا جن مانہہ 4838 مرد 1387 خواتین 16 بچا 171 سادھو تے 70 سادھوی شامل ہیں۔ اوواں چھڑی مبارک پہلگام پُچ گئی ہے جہیڑی ات کلیدی رسماں گا شروع ہون غی مظہر ہے آئندہ 9 اگست

ناہ امرناتھ یاترہ اختتام پزیر ہو جے غی تے اس سال 4 لکھ تیں متا یاتریاں نے یاترہ واسطے اپنا ناں درج کرایا ہیں۔

JAMMU RAILWAY STATION

جموں کشمیر غا ریل ٹانچہ ناہہ فروغ دتا جان غی کاروائی غے تحت جموں ریلوے سٹیشن ناہہ بڑی ترقی دتی جارہی ہے سنئیر ڈویژنل کمرشل مینجر اچت سنگھ نے جانکاری دیتا وں دسیو ہے جے جموں ریلوے سٹیشن ور اضافی پلیٹ فارم نواں انٹری پوانٹ تے گج ہور ترقیاتی ٹانچہ تعمیر کیا جئیں گا اس سٹیشن ناہہ عالمی معیار غو بنایو جاسکے جس مانہہ جدید سہولیات میسر کرایا جان غے نال نال مسافراں ناہہ نواک تے بہتر تجربات غو احساس میسر آسکے گو اس پروجیکٹ غو مقصد ریلوے رابطاں ناہہ بدھایا جان غے نال نال سیاحت ناہہ فروغ دینو علاقہ غی اقتصادی صورتحال ناہہ بہتر بنانو ہے۔

CS INDEPENDENCE DAY

چیف سیکرٹری اٹل ڈلو نے 79 واں یوم آزادی غی تقریبات غی تیاریاں گو جائیزو لین غی خاطر اک اعلیٰ سطحی میٹنگ غی صدارت کی میٹنگ غے دوران انہاں نے تقریبات غا انعقاد آلی جگہاں ناہہ تیار کرن طالب علماں غی ثقافتی پروگراماں غی بہتر پیشکشاں کی تیاریاں تے حفاظتی تھریفک بندوبست بہتر طریقہ سنگ انجام دین ور زور پاؤ انہاں نے ان تقریبات غے دوران ڈفائی ستھرائی پین غا پانی تے سرکاری عمارتاں غی مناشب روسنیاں غی ہدایت کی تے سرینگر مانہہ منعقد کی جان آلی آزادی غی بڑی تقریبات مانہہ جموں کشمیر پولیس سی آر پی ایف بی ایس ایف این سی سی تے سکولی بچا شامل وین گا۔

JK IT PARKS

جموں کشمیر حکومت نے مرکزی زیر انتظام مانہہ آئی ٹی تے آئی آئی ٹی ای ایس پارکس قائم کرن واسطے ایک یفصیلی مطالعہ شروع کیو ہے جھپڑو کہ جیابند کے آئی ٹی پالیسی 2020 غے تحت ہے۔ ایک اعلیٰ سطحی میٹنگ مانہہ جس غی صدارت آئی ٹی سیکرٹری ڈاکٹر پیوش سانگلا نے کی جے کے ای گورننس ایجنسی آئی ٹی جموں آئی ایم جموں تے دیگر اداراں غا افسراں نے شرکت کی اس میٹنگ مانہہ بھارت غا بڑا آئی ٹی شہریاں جیساں کہ الیکٹرانٹ سٹی کرناٹک ہائی ٹیک سٹی تلنگانہ ٹی ہب حیدرہ آباد ٹیکنو پارک کیرالہ تے آئی آئی ٹی مدراس ریسرچ پارک تیں سیکھن غا بہترین بریقاں ور گل بات ہوئی۔

BASOHLI FESTIVAL

صوبائی کمشنر جموں رامیش کمار نے بسولی غو دورو کیو تانجے سالانہ بسولی فیسٹیول کی تیاریاں غو جائیزو لیو جاسکے۔ انہاں نے علاقہ غا ثقافتی وراثت ناہہ زندہ کرن واسطے کمیونٹی غی شراکت مقامی فنکاراں کی شمولیت تے آئی آئی ٹی تے آئی ایم غا طلبہ ناہہ وی فیسٹیول مانہہ تخلیقی طورور شامل کرن ور زور دتو۔ اس موقعور ہوم اسٹے ت مقامی دکانداراں ناہہ فروغ دین غی منصوبہ بندی کی گئی تانجے سیاحت تے مقامی معشیت ناہہ فائدو پُجے۔
